

T5236.05/4462

193

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

卷第九百四十一

誌七

職官三此下六卷其華所繪失作者先後今正之

姚秘監子彦墓誌一首 嚴族子損之墓誌一首

獨孤大理嶼基誌一首 肅州中存墓誌一首

仲員外子陵墓誌一首 權員外自把墓誌一首

李司農銘墓誌一首

秘書監贈禮部尚書姚公墓誌 獨孤及

有唐秘書監永安縣侯姚公諱子彦字伯英其先馮翊

今人也至高祖僧洪徙家河東祖思聰秘書少監父坦汝

州保縣承贈秘書監忠諫孝愛寬仁愿恭質方氣冲天所

授也而力行博學溫故知新錯綜大藝公集作詞賦初承

文苑英華卷第九百四十一

誌七

職官三 此下六卷英華所編失作者先後今正之

姚祕監子彥墓誌一首 嚴庶子損之墓誌一首

獨孤大理嶼墓誌一首 蕭郎中存墓誌一首

仲員外子陵墓誌一首 權員外自把墓誌一首

李司農銘墓誌一首

秘書監贈禮部尚書姚公墓誌 獨孤及

有唐祕書監永安縣侯姚公諱子彥字伯英其先馮翊蓮

勺人也至高祖僧洪徙家河東祖思聰祕書少監父坦汝

州梁縣丞贈祕書監忠諒孝愛寬仁愿恭質方氣冲天所

授也而力行博學温故知新錯綜六藝公集作同詞賦初舉



進士又舉詞藻皆升甲科尉清遠集作苑獲嘉永寧三縣開

元二十九年詔立黃老學親問奧義對策者五百餘人與

今相國河南元公載及廣平宋少貞等十人以條奏精辯

才冠等列授右拾遺內供奉歷左補闕當是二字集時天

下無金革之虞選多士命百官先文行而後吏事集作名法而

柱下方書南宮章奏主張綸翰典司禮樂集作文尤精其選

非盛名莫居繇是遷公殿中侍御史禮部員外郎禮部郎

中知制誥中書舍人太常少卿天寶十四年奉詔宣慰江

東淮南覽觀風俗無何二京陷覆太夫人捐館公外罹憂

患內偃惇疾集作內銜憤立血毀瘠集作右隣滅性乘輿反正

公過集作適外除拜太子左集作右庶子于時迤難始康百揆

草創嘗復其職人亦求舊俄又授公中書舍人禮部侍郎

光祿卿左散騎常侍加銀青光祿大夫復知制誥廣德二

年授祕書監策名事君二十有七年文學一紀羽儀三朝

凡六蹈瑣闥三掌訓誥四居禮官一典祕書其遺塵餘跡

周遍臺閣言行事業著於天下自策名天下五十一字集

遺跡故事資忠體和惟道是居正身奉上中立不倚恐懼

戒慎形于隱微故遭值傾否出入夷險而未嘗有悔名與

身偕中庸集作德善是依明哲以保故也享壽七十有八大曆

二年四月某日薨于位五月某日詔贈禮部尚書知者以

為壽富康寧攸好德考終命洪範謂之嚮用五福而公居

四焉以清儉貽厥子孫故所不至者富焉爾非明德介社

何以享茲有子曰驍曰驥曰驂曰駟集作四曰驢號呼集作

于昊天痛欲報之罔極也銜恤問禮牧血衰事十月丁酉

卜兆北原惟盛德與公器若東川集作川流之無還垂芳如之

何刻石集作名墓門其詞曰集作云恂恂秘書蘊粹含和服膺

孔門行登集作隣四科遭時之康天下未匡集作光出奮羽翰

翱翔慶雲晚遇中興貴德尚齒公秉懿範入作卿士逮事

三后出入二紀典禮司書媚于天子居貞保儉與祿終始

鬱鬱佳城光烈遺美集作烈日月有逝令聞不已集作無

銀青光祿大夫太子左庶子嚴公墓誌 前人

皇唐太子左庶子河內縣子馮翊嚴公諱損之故都督洮

州諸軍事洮州刺史協之孫繇太常少卿方約季子中書

特擬之愛集作無弟家之慶天之休鍾于公躬故其德備

少非集作仕是昌世遇權臣惡直故官不登三臺晚值多難安

貞不競故位不過郡守官尹前後羽集作左兩衛叅四府領

二縣典七州再入石渠三登集作升龍樓凡處任十八享年

七十六未嘗以利苟合違道從欲用之則行見幾不俟忠

信是履集作動靜勞謙有光廣德二年六月二十五日終于襄

州集作湯是歲八月權窆楚山西原冢子曰式官至江陵少

尹不幸道夭仲子曰士元由殿中侍御史為尚書虞部員

外集作此郎少子曰士良秘書省集作領著作郎悉能幹

父盡懿文德取公器他日獨立訓所至也大曆三年歲次

王集作戊申五月二十九日反塋洛陽先塋禮之至也宗人

故太常卿向嘗狀公徃行貽諸有司謂公外寬內剛庶正
篤敬溫而不厲直而不輕集作許學究源本行有枝葉故其
適道求友莅職任事覈其實不居其華初公宰汜水也以
莊明慈惠為政汜水之集無此字人不敢欺而戶口增培獄訟
衰止御史中丞蕭隱之以狀聞公是以有著作郎之拜其
後歷太原上谷弋陽餘杭丹陽雖風俗殊異治效如一不
曰才乎公在清池會安祿山與當國者交惡公曰難將本
矣遂移疾請告姦黨惡之是以有弋陽之貶貶之明年河
北為戎不曰智乎涉艱患不辱身踐祿位不徇名居義處
順動罔違吉不曰貞乎嗚呼榮問素業與時皆逝可稱也
而不可追也今採其實錄刻石示後蓋欲報罔極者之志

彌集作

其詞曰君子之道容民和

集作畜

衆公宰二邑二邑

無訟與國共理惟二千石公七剖符七著成績乃師國子
司成望苑考藝校德以弼三善中和其心正直是踐道亞
羽翼名掩春華忠以事君孝施于集作於家粲粲令子鮮侔
晨葩若何不吊盛德既喪音徽永沫士友孤望千載九原
遊者悽愴

大理少卿兼侍御史河南獨孤府君墓誌 前人

府君諱嶼河南洛陽人也漢世祖光武帝第二子沛獻王

輔之昭也齊臨川郡王河南道行臺僕射洛川刺史永業

府君五代孫國朝明威將軍文慧集作惠府君第二子越州

都督浙江東道觀察處置使集無此四字兼御史中丞右集作左

金吾大將軍峻府君之季弟也聰明仁恕專直寬信擾而
毅溫而厲弱冠筮仕以藝即戎藏器安卑非其志也天寶
十四年安樂山反朝廷以淮服集作肥海沂三吳咽喉宜擇
良佐以貳藩鎮命府君為泗州長史無何換徐集作除濠二
州倅戎備叅吏職忠毅集作敏肅給所屆繫賴御史中丞崔
公昭之尹河南也盛選僚佐表府君為大常丞兼殿中侍
御史營田判官使罷轉湖州別駕大曆五年崔公受詔持
節牧宣歙池三州君復為從事以太子右諭德兼殿中侍
御史遷大理少卿兼侍御史方謂宜民宜人祿與壽俱遭
命不淑春秋五十九集作五而歿是歲大曆九年三月二十
四日也夫人隴西李氏以栢舟之誓提携諸孤某等奉府

君之喪言歸洛陽某月日遷集作此字窆于某原禮也府君少
孤奉事兄嫂以友悌稱在家在邦言信行果居官祗事強
志能力及其冠法冠佐大府君上以勤恪一作勲累或作勲業周爰
成務下以勞謙明誠應物和禮正家敦睦姻族自踈及親
必慈必愛而命不我與年未下壽天天是掾集作天其掾嗚呼
哀哉初府君之金吾伯兄擁旄江集作浙東也拔崔公於郡
吏人之中升為軍司馬推誠委政之分猶晉得韓厥宋得
子罕及中丞之開府辟掾府君為首既而府君之喪也中
丞哭之慟贈賙給加於人二等由是稚子孀妻得奉喪而
西三月而塋禮無違者賻布之餘足備祭器君子謂金吾
之明哲貽厥兄弟宣州之交情見於死生知己之道斯其

行者鮮矣及敢不直詞書仲父之美於墓石其詞曰叔父
懿德承家令儀慧伯集作哲兄踐脩靡違私治於官發跡
淮沂及佐皇華亦繡其衣天子命我拜參軍機駱馬驛驛
集作所從其誰顯允崔公為諸侯師府君委質咨諏載馳
式壯其猷耄未及之陰陽為寇子鵬一作語集作非期昔也
陟岡哀哀永思今也還真匪公曷依伯兮叔兮今乎已而
他年九原公誰與歸

尚書比部郎中蕭府君墓誌銘 元載

嗚呼蘭陵蕭君蘊賢人之業藏佐世之器大君未盡其力
生人未享其福鍾厲通痾殞靈休時哀哉君諱存字成性
蔡武帝季子一作鄱陽王恢之裔五世祖唐刑部尚書生

州都督左衛長史元泰長史生密州莒縣主簿旻主簿
生揚州府功曹穎士穎士字茂挺特達聰明叢于上才以
詩書禮樂皇帝王霸之術為已任開元中進士擢第靈鳳
神龍煥乎文章高價風馳撼動八荒是時顛顛昂昂賢雋
之士揖涯岸趨問望如百川之委溟海群山之仰嵩岱君
即功曹之子也稟乾坤清粹之氣聚而為德義散而為制
度行可以輔教才可以拯時大抵根儒術尚名理言喜人
之善鋤人之惡其餘九流百氏質文沿革雖千古曼絕如
以眸子視左右掌也六曆初與昌黎韓愈天水趙贊博陵
崔造素友善齊名李大夫栖筠領浙西撥華刈楚遂奏授
蘇州常熟主簿顏太師真卿典吳興纂文編韻延納以脩

術疑之任宰相劉公晏司轉運與能咨畫奏授左金吾衛

兵曹參軍明年遷廷尉評建中包諫議佶掌鹽鐵聆風欽

舊奏授監察御史明年轉殿中侍御史初御史大夫張滂

董戎天子俾君留務于上國主計者張權侵官交關有司

君不阿撓庭辯可否哆南箕燭光芒繇是愁憤乞守外職

竟罷歸潯陽君有草堂在廬山下紫霄峰晚節學長生得

蟬蛻之味每天氣寥朗神有所詣輒駕紫騮携酒壺學業

同紫府之客恣遊其下弄泉坐一作改石不記早暮無幾何

登黃石巖之絕巔谷飈颺丁毒腑藏右體麻痺不仁雖藥

膳充席疑岐和疊跡不得施其力焉春秋六十二年

冬十月五日遘疾十六年冬十月五日卒于潯陽淦城之

墓第遂以是年十一月十二日權窆于承仙之西岡未幾

葬于臨汝故也嗟纓紱一作晃之沉淪痛環壁之破碎悲豫

章之摧拔莫不驚惋惓惓嚮風淒歎焉夫人河東裴氏王

父璉越州倉曹參軍皇考光輔蘇州吳縣丞資淑和之氣

承禮義之訓陰範內則璨然有光有子四人曰夔曰東曰

真曰愿咸端素温良克荷家聲吞茹荼蓼若絕生理今相

國齊公杭河南尹張式給事許孟容鄭郢州正則兵部楊

郎中馮馮弟吏部郎中疑盧補闕景亮陸殿中禮投分許

與期於莫逆眾君子振鱗奮翼日薄霄漢君未中壽獨歸

泉壤匣有豪曹歷有飛黃不發不馳埋骨摧銜可哀也哉

相國於君有死生之交情至於塋舊鄉撫稽紹蓋餘力也

足以慰其精靈焉載後學小子日遊於藩故遺芳盛烈備得詳悉見託誌錄銜酸爲銘銘曰

崇山鬱鬱連西岡青龍白虎爲壽堂靈其少安樂且康旄頭不羽歸舊鄉

尚書司門員外郎仲居墓誌

權德輿

君諱子陵字某其先魯獻公仲子曰山甫入輔於周食菜于樊其後魯有季路衛有叔圉用儒行政事代爲家法曾祖訾始自彭城徙于蜀都祖襲博究六藝州閭推重考遠清靜寡欲理老嚴之言三代曠僚純白不耀君壯歲好古學與同門生肄業於峨眉山下採摭前載可以爲文章樞要者細繹區別凡數十萬言大曆十三年舉進士甲科調

補秘書省校書郎歷同官醴泉二縣尉貞元十年舉賢

方正拜大常博士轉主客司門二員外郎十八年六月乙巳疾寢歿於靖恭里第享年五十有九君脩身愨固爲學精力其初典校有詔百執事詳定冕服炳然上奏得禮之中再仕旬內皆參奉常論譏之務后蒼二代曲臺石渠之論乖疑難正者咸折中焉有司請正太祖東嚮之位而祧獻懿二主議者云云君議畧曰九聖在天二祖在桃國家卜代及年未始有極宜立定制爲萬代程請遷二主於德明興聖廟詞甚切正後以異論紛紛又著通難一篇引經據古諸儒不能屈雖留中未下而知禮者直之爲郎三歲受詔典黔中選補賦祿清平南人悅焉皇皇者華道於故

里里中人以為榮觀復命踰年稍進郎位循性詣理恬於
聲榮隕然放懷以馮唐顏驕自况脩詞甚博推本六經賦
詩類事徃徃有卓異不羈之韻遂於禮服上下古今儀制
著五服圖十卷自為一家之言起庸蜀諸生以文義自達
至禮官元士三登於朝講議洽聞不夜不殆與夫憑覆露
乘地資而至大僚豐祿者難易殊矣子雲耆老相如多病
內外掃之日圖書樽酒而已升東榮而復者假他人之室
可悲也夫其娶嗣郢王之藻女宗室公宮稱其賢淑生一
子頗幼學而孤卜七月甲申窆於萬年縣之某原某里命
也德輿常集作嘗忝知君用深怛化遺孤哀請因直其詞銘

曰

意仲君直而文心秉彛學軼群富宏議暢嘉聞中止水外
浮雲理冥冥化云云刻圖石識幽墳

朝議郎行尚書倉部員外郎集賢院待制權府君

墓誌

前人

公諱自挹字某天水人其先殷王戊丁之支

世系表權氏
武丁之裔孫

因封命氏楚遷於邢處秦徙于汧隴綿代多才繼有勲力

四代祖襲慶周開府儀同三司相定冀青殷五州諸軍事

冀州刺史齊郡公魯祖武隋開府儀同三司浙豫柱三州

刺史潭州摠管始平郡太守右武衛屯衛二大將軍天水

縣開國伯考無悔奉朝請大夫晉州趙城縣令公年十四

太學明經上第因喟然曰學不足以究古今之變而干祿

者非吾志也遂蒙養於終南紫閣之下窮覽載籍號爲醇儒非其道不合非其人不自歷南和寶鼎三縣尉天寶中河湟之間踐更以禦寇平糴以饋軍皆以御史董之聯辟從事既而幽陵兵興二京震蕩縉紳之士多在劫剽中公艱貞終吉盜不能污尅復之歲制授醴泉尉尋攝監察御史充河西隴右宣尉使崔中丞伯陽判官輅車所履人誦其惠歲中崔復命遷左馮翊表爲祠曹且佐州師朝廷以公文而無害特拜監察御史謙以自牧換大理寺丞學該今古加集賢院待制識通理典遷尚書倉部員外郎大歷五年春感風疾請告十有二月終于布政里私第享年七十惟公得大易之含章中庸之居易知前古之善敗稽六

中之義類靈龜恬然天爵自貴夫如是則通籍書殿起中臺於諸生不爲不達而充公之量則未也與故王右丞維今歸尚書從敬爲文雅道素之友其餘或不踐其域故知我者希夫人太原王氏監察御史造之孫也鄆縣令侑之女淑行明德輔于公志叢是福履近于期頤公之喪既除二十三年而夫人歿壽九十三時貞元十年十有二月也嗣子某某官次子某某官等皆以舊德蕃祉參居吏員盡厥誠信貞於龜筮以十二年十月祔塋于咸陽縣洪瀆原禮也以德輿諸孫之列習于舊史剡子之學誠慙古人滕公之室敢識幽壤銘曰

周隋之間受封於齊代有武功抑抑倉部德音不回藹然

儒風考正圖書彌綸憲章其道昭融黃裳之吉大雅方直
位則未克惟此令德與彼內則委蘇而終咸陽古原祔窆
雙鳧淑聲無窮

金紫光祿大夫司農卿邵州襄史李公墓誌銘

前人

公諱銘字某不書州里尊宗室也初景皇之支啓封于蔡
繼別爲宗厥後多材皇襲濟北郡公孚公之魯祖也隴西
郡公津容公之王公也濟北仕至國子司業贈太僕卿隴
西仕至慈衛汝邢青五州刺史終永王傳以至烈考愔歷
監察御史殿中侍御史尚書倉部員外郎累贈職方郎中
魏州刺史公即魏州府君之第若干子也憑是積厚叢生

補征少以門子入官聯調兩官環列之佐次補伊闕丞是

歲天寶十四載也魏州捐館幽陵兵起茹毒遠難南洋江

淮旣除喪宣州觀察使鄭炅之表爲廣德令時劉昫阻命

東方愁擾閭里制於萑蒲守臣化爲寓集作寓非公而公之縣

鄙連亘山洞盜有陳庄陳五奢者是焉囊橐攻剽相因尺

之跳在尋陽牒書密至署爲上介俾輯輿師靖綏攘遏人

用寧舒後歷揚州太原二紀綱掾府之損益皆所關決執

法殿中佐戎北門會罷使至京師獻狀居最拜奉天令有

命成城績用居多未踰年遷侍御史充宣武軍節度行軍

司馬時師帥以睢陽及譙進律開府韓厥之任朝選爲難

蓋以彌縫左右非公莫可最凡三爲尚書郎四兼御史中

丞以銀印青授歷官相常伯之重府遷大梁職尊統師集

帥公皆以師武從之蓄資力以崇威望宣忠勞以弘班制

居則持重戰則有功無細無大繫公謀是賴雖羊舌職之

聰敏肅給鐸遏寇之恭敬信強無以過也貞元二年真拜

右集作左庶子三年復以本官兼御史中丞充入蕃使尋兼

御史大夫行次回中察其陰詐奏集作察疏累陳不可莅盟

之狀時朝議已行謀塞不用既而戎人裹申急變上聞乘

車東轅獨以智免以久次遷衛尉卿秩至集作以金紫乃命

大司集作司字農為國之泉首公脩職性直是視無所阿附終

用蔽傷左遷郡州長史以十三年十一月寢疾終於集作干

所莅之官舍春秋若干唯公開敏毅直信兼仁勇有政事

才畧長於理煩遠而不泥文而無害始以通邑行師及其

名聲交辟元僚翻飛清朝腰金鳴玉法象河海議者謂藩

垣京轂公宜居之終以當官有守寧絀不苟不為利疚於

回鬱埋下國以至大病斯可嘆已夫人范陽郡夫人盧氏

某官某之孫新安丞某之女華宗淑問光輔閨門無詒離

集作雁無攸遂內姻外戚仰其徽風先于集作於公二年而歿

長子元亮以武畧至御史中丞不幸早亡次子元道以吏

才為大理司直兼監察御史叅陳許軍事次曰元規進士

及第盤盞縣尉次曰元會前右金吾衛兵曹叅軍元簡江

陵府叅軍元舉太原府叅軍元衡元弼集作元弼元輔等皆

幹盡知方儼然在疚考於象數先遠得吉以十四年某月

日奉公夫人之喪祔窆於伊闕縣萬安南原先公之兆域
禮也德輿王公族之出也先人於公爲中表昆弟羈貫獲
見始四十年元道等泣以墓石見託雖文之鄙朴而不敢
辭也銘曰

抑抑司農系于蔡兮三珪再踐直方大兮心廣體胖道將
泰兮中立不回官左退兮登書同鵬禍所會兮撰日煇龜
紛祖載兮萬安鮮原風雨晦兮鏤此貞岷塚之內兮

文苑英華卷第九百四十一

文苑英華卷第九百四十二

職官四

李少卿條墓誌一首

張監察衆甫墓誌一首

王大夫珙墓誌一首

盧賓客正己墓誌一首

李贊善墓誌一首

常員外墓誌一首

朝散大夫守司農少卿賜紫金魚袋隴西縣開國男

李公墓誌銘

權德輿

公諱條字堅後以字爲諱淮安靖王贈司空神通之玄孫
也鹽州刺史孝銳司空之昭也弘農太原守璟鹽州之穆
也太子太傅贈司徒齊物公之彌也尚書左僕射贈司空
復公之兄也代以忠厚而膺爵命勲藉吏部皆冠宗室公

秉是慶祉生而朗邁弘教疏達方廉孝悌學以遜志文而

無害始以門廕參調三命官至廷尉平集作評明清閱實適

其輕重改宣城令蒲歲受代縣人以理狀乞留廉車上聞

詔可其奏且加大理司直從人欲也縣鄙之南水泉委匪

每暑雨流潦集作淹輒傷大田公乃峻為之防悅使其眾人

就安利稼皆登成大歷中鄜坊節度使表為上介遷監察

御史殿中侍御史權策畫一以咨之成師足食邊備益固

使罷除昭陵臺令貴強沓貪奸冒法禁公職在充奉露章

以聞已集作已非為巧言所中坐貶建安尉在途累疏詞理劇

切上覽而直之罪人就誅方議率復屬太夫人棄敬養貞

元初移蘄州長史尋徵還京師執事者銳意引重公亦啓

心獻納會一人有漢宣共理之歎拜泉州刺史泉人宜之

入為宗正丞時卿長與其貳不相能告訐之書紛然交倂

集作文訐詔公平之皆得其中自後屬籍疑讞顯其聽斷兩造

以明九族以和九年授果州刺史先是理下無解署官司

無令書節用量集有度字功經構講聚百堵乃興九章粲然政

用樂易人皆輯附居部明年有女道士謝氏白晝上昇優

詔嘉異州問味嘆十一年以課最陟為司農少卿國泉邦

用精力區處利病陳聞靡不緘悉十四年宸心憫雨比屋

艱食出其陳陳以活元元又百吏之祿廩以粟易幣則輕

重相準而便於人皆自公發之也公稽覽故志通練程品

嘗獻軍國便宜五章推理道以及人事其他奏議皆附經

文也

術有蹇蹇

周易

匪躬之操焉渥澤日加方厚其屬任而才

命相矣末如之何十五年三月乙巳以疾終于勝業里私

第享年五十九夫人滎陽鄭氏某官某之孫某官某之女

姿操柔明先于公若干年而歿乃者以公之勤追封滎陽

縣君其孤曰昌舉進士甲科淑行至性公族稱其有後以

其年五月甲寅龜筮襲吉血涕奉喪祔塋于萬年縣某原

先公之兆域以德輿獲詳踐履俾篆斯文其銘曰昔有靖

王愍策司空至公父兄亦命三公公族家代車服以庸允

矣司農直方懿恭行惟遜悌仕乃廉忠利刃剗鍾怪翰翔

風時方大來命則不融柳車遲遲棘人充充如履屐屋歸

金匱封圓石篆銘永識于中

監察御史清河張府君墓誌銘 前人

君諱衆甫字子初清河人曾祖尚皇海州司馬祖弘藝皇

兗州曲阜縣令考隱皇淄州司戶叅軍早爲諸生能以學

行自力寬廉而溫朴厚而文易居向晦固窮不變故年過

耳順而方脫章甫冠惠文示不苟也初爲轉運司所辟解

中太常寺太祝轉河南府壽安縣尉罷秩歷年僑居雲陽

時以緣情比興疏導心術志之所之輒詣絕境間以羈旅

游京師卿大夫聆其風者方以聲韻厲和不暇會淮寧軍

帥之始至也春棟僚佐求仕於朝朝賢多以君爲才辟書

荐至俄拜監察御史且爲從事讜言幕畫舉無違者徵軍

實於廣陵因涉江省家道病沉痾不克復命以建中三年

三月日至家而終享年六十八夫人汝南周氏先於君歿其孤曰實曰宇年並孩齒未勝縷經歲以某月日權祔焉嗚呼貴仕眉壽或與令德不并此昔賢所以爲歎姑以景行茂實賁于皇泉銘曰

洪範之義享用五福展如之人宜荷百禄嘉言婉婉則罔攸伏既鐵其冠亦朱其服浮休云云歸全還真喬木荒墳于嗟乎張君

御史大夫王公墓誌

常袞

尊主直人則醜正者售禍權侷才忌則害能者構忤况位抗三府勢傾一時天下之事懸在掌握而剛腸立朝鷲鷲橫秋一作匡拂摩切姦邪是懲至使陰謀協比承間竊發

曖昧摧辱加於大臣公諱鉷太原祁人也昔在玄宗之盛外攘獯戎內立制度混一天下圖萬世安至于軍旅征代府庫賜予聲明羽儀禮文憲則莫不懿鑠震曜龐鴻精備國用荐費闕於經入固宜有卓立大才統集其事公當此時以御史大夫領京兆尹佩帶使印十數焉黜幽陟明考察風俗地征國賦均輸一作平準天子六閑上林三官皆總制之未央前殿離宮下苑亦護作焉公以典訓經之文法緯之明察綱之廉平紀之其運也合變陰陽有以鼓其動其密也至精鬼神不能窺其隙銜策害郡之黠鈴鍵多門之蠹裁兆物計億事沛有餘力矣動一節搖百支無所竄情矣故威檢轂下風清關右紅粟冰紈露積朽腐星精

雪駟外廐填溢廣靈園之百里奉祈年之萬春漢家水衡
少府錢四十萬至是而過之俾我巍巍之朝四海雄富丕
變於太公之力焉入則轉移大謀出則平決群議天子垂
拱於旒宸宰臣高抗於廟堂時佐輔陳希烈忌公有宰相
噐憂在移奪又楊國忠與公權勢相傾事不兩立會有克
人邢宰唐書作倖陰聚姦黨於長安里舍中公以京輔都尉之
卒逮捕悉擒詔公與廷尉雜理而希烈洎國忠使法吏以
牘背喻風指於克首引公愛弟錡連坐公具表其狀請自
拘於司敗上以罪不相及猶遣使慰厚之而沉猜罔上者
密白而下其書舊制大臣不對理陳寃天寶十一年四月
十二日奉鬘纓盤水北面拜跪而自裁妻子移隸宅于荒

服嗚呼歷觀夏國愛君之臣忠信未達而左右所鞠搥成

其無狀之罪豈勝言也則王章晁錯納忠漢朝衣冠僂於

都

一作東

市家屬徙於合浦古人有言曰刑罰出於身實難

自他及之又何害也知我者其天乎公始以茂才異行首
於策詔凡四佐王官之邑七領憲府之命一至殿省再遷
臺郎大司空大司徒各一官族德政燕國公張說已叙於
烈祖之碑夫人河東郡夫人薛氏存與其榮歿與其辱南
北萬里流離十年飲恨餘生以存宗祀以大曆三年五月
終于某所嗣子稱以不天之釁承覆巢之餘遷逐炎海幽
寃霜露家未悔禍慈親凶歸生人之難無稱之比永惟先
君及難塋故有闕泣血忍死獲終哀誠以大曆五年三月

二十一日合祔於中書皇考真宅之次相國許昌公嘗感
府辟緬然懷舊改贈移寢周於尤喪有以見京兆知人之
明許昌報德之厚衮追叙遺烈亦門生表墓之禮銘曰
知者謀始不能知終明者察微昧於數窮任我以事效我
以功吉凶悔吝生乎其中無象無端茫茫蒙蒙伏恨黃墟
孰問蒼穹小君從祔松栢來同

太子賓客盧君墓誌銘

前人

上於大臣存歿優禮若忠厚篤敬勤勞有勲則錫以追命
之冊延曜耿烈使之昭也大曆五年七月癸酉制故太子
賓客盧正巳可贈太子少保昔唐虞之際龍作納言咎繇
獨刑其在周漢申伯于藩南邦召公宅師東郊四皓輔翼

太子公嘗拜蜀郡長史成都尹劔南節度採訪等使太僕
卿刑部侍郎工部尚書東郡留守太子賓客悉更乎明哲
道德有馨香於前世之臣所任也才難不其然歟公之作
鎮也玄宗自省方復雍以千官六宮南北軍之從留蜀殆
二年矣而元元給輸費苦以公徃典通義唐安二郡以理
平遷通州刺史七州採訪禦使課最遂止輦草詔而命之
翼勤則黜幽化源以清則群服庶尹執事之人不欺矣紕
逖則攝懷亂畧以寧則蠻夷君長異姓侯王從乂矣匡困
則資無繇賦既平則鰥寡孤獨廢疾者知所養矣旌德訓
農禮讓大行則三老孝悌鄉嗇夫知所勸矣公之議刑也
先帝以天下初定禁網踈闊朝廷郡國廢革舊章於是草

具科條制刑錄三卷以成後代法程無爽悔無佚罰矣公之居守也自胡馬入洛三川大殘長樂衛尉悉無官守中臺文書盡成灰燼而白晝大都之中剽吏奪金殺人橫道河南尹不能禁公以明恕清汙俗以淳和消沴氣禮新序舊士庶欣欣勤懋郎吏增嚴屯校日引月長四方人大和會翼翼之頌復覩于京師矣公之調護也儲后方建廸簡首僚以孝友閑博通明道術而保奉之夫大賢濟時而不獨善大才當事而不辭難凡所任遇皆以國之艱急帝所親信而在厥服也始以經明四佐大邑三歷京椽五遷藩鎮三踐臺郎一處右轄再兼中憲以至于九卿元戎師賓居守小司寇冬官卿公字子寬本諱元裕元裕改名世系正巳宰相

表乃以為兄

第二人恐罪以聲協上之尊彌特方大用優詔改錫焉

祖君胄號州叅軍王父貞慶

表作貞松

高尚不仕烈考履水歷

左補闕皆純古

尚書作純佑

秉哲本經輔行德類賢續以之長

世公含精於天性之道用晦於先物之智洞於學炳于文慈惠而厚汪汪洵洵未嘗簡彜不校其犯祿及踈遠家無長物在貴居陋樂而不更春秋之饗僅致君胙賓客之位適容宴豆漿藿未馱于家食稂莠不充於馬餼及賜告得謝安車東歸天子老臣優游惠養早達玄理迨茲逾深追贈之年二月既望疾甚不弛冠帶安坐超然越二十一日甲申薨于東都循善理之私第壽七十有九夫人滎陽郡鄭氏禮義風教鄉族宗焉澹忘物遷靜與真會公一其好

尚偕其貴壽亦古人之所難并也公薨之前祀八月七日
終年六十有五權厝于新安縣龍澗原近先塋也將柩而
定壙有伏泉改卜新塢北里重岡之陽吉六年二月己酉
乃塋是以緩嗣子前秘書郎兼監察御史翰一身主祀泣
盡形遺親友所憂言之感涕永惟先公夫人嘗有升堂之
拜纂揚風烈非小子而誰銘曰
五侯九伯太公征之大輅龍旂桓公受之子子孫孫勿替
引之前人光明我公昭之天子作師我公師之懿德顯猷
永世則之

贊善大夫李君墓誌銘

前人

太上立德我啓繇謀之太極至道我老氏明之施于子孫

不聞長世盛衣冠於鄉族傳帶礪于侯社西涼有武昭之
謚後魏有姑臧之封祚于我唐親則同姓門閥清顯冠於
人倫婚姻所仰齊其大也朝惠所推勝其長也君諱某字
某其先隴西成紀人也曾祖玄道皇朝秦王府十八學士
給事中銀青光祿大夫常州刺史祖正基皇太子舍人父
紀肅宗廟諱皇膳部郎中淄州刺史文章侍從給事黃門
官品第三使符至五軍坊司其啓奏殿柱題其名氏並以
博學偉才歷位中外藹然聲問揚于家邦公體元精之和
得大雅之正入出孝悌而蒸蒸如也恭儉寡過學如不及
起詩禮之廢疾通古今之訓注以五經高第冠名大學而
四方諸儒多所質疑是時也玄宗在上天下大同分王宗

枝以崇藩屏高選僚友必極時俊非阮渾純粹鄭袤鑒識
徐幹之恬淡寡欲匡衡之射策甲科則何以處畏慎之地
當敬愛之禮故命公叅陝王忠王義王隸王四府藩佐雖
天人帝子不出於清禁而非賦田租必摠於朱邱公守以
廉介謹一有千字均節用用或有差終不奉教春秋匪懈夙夜
在公行之惟艱不易其操何止攀小山之桂虛望神仙對
西園之月空疲讌賞而已開元中御史大夫李商隱按察
東都大明黜陟表公清白尤異特拜朝散大夫尋除右衛
率府左郎將遷太子右贊善贊三善之德周禮其難將四
率之府晉朝所重風流名士文武兼才輝映崇賢肅清屯
騎素懷止足亟請歸閑至于暮年終不得謝嗚呼道不可

獨身屈何傷以天寶十四載二月十七日終于東京崇政
里之私第享年若干末泰元年二月皇帝以肅宗藩僚清
節明著家臣秋賽在先志而不忘中尉夜拜嘆流年之已
逝又以子烈憲臣光我多士詔贈曹州刺史旌有德也夫
人滎陽鄭氏明粹柔閑配于君子孝敬感於冬鯉勤儉彰
于夜螢先公而終其引蓋殯有子二人長曰榮終潤州司
功次曰挺前監察御史繼夫人滎陽縣鄭氏輔佐之道宜
其家人均養之德愛猶已出一作子有男曰慶前越州叅軍
從夫啓南城之邑隨子迷東征之賦江海悠然徃歌來哭
以大曆三年五月日塋我濟陰守于偃師縣東姑臧公之
塋次蓋二夫人祔焉挺慶等性與純孝幼承訓獎蒸蒸孺

墓合塋于防海變山飛銘石不泯詞曰

我之始祖自高丘兮繼有賢王霸涼州兮冕紱班然

一作然亮

冕班乃公侯兮周之姬姓漢之劉兮卓哉濟陰廣前脩兮懷

文抱質能剛柔兮羽陵遺簡誦如流兮介幘單衣從梁遊
兮儲宮端士侍銅襍兮長水校尉鳴鋒騶兮方期告賜得
歸休兮誰謂生涯忽若浮兮先朝宮臣聖眷留兮追命藩
守詔書優兮穀也嗣子難也叔兮合榭黃腸千萬秋兮

叔公故禮部員外郎墓誌銘

前人

魯有先大夫其言立於世春秋謂之不朽儒有今世行之
後世以成措則君子之道不患時之不逢患其道之不顯
故賢哲所以啓正宗教蓋風於人倫垂之無窮者矣賓客

繡無字名某河內溫人也曾祖渠州咸安令諱緒王父祀

王司馬諱毅皇考慶王文學諱楚珪咸以清明粹知高爽
顯融經術可以致公卿道德可以居師傳所不至者時之
未會歟府君即文學之第三子也伯仲叔季嗣世清德鴻
藻振古休聲動時每至徵賢良舉秀才一門擅科半於天
下旣冠進士擢第其年拔萃登科補益州新都尉開元十
年舉文藻宏麗遂上陳皇王之盛下借周漢之諭稽以洪
範九疇天人之統災變之異高言體大久而可驗如賈生
之論漢也與孫逖同入第二等擢鄆縣尉文融寵幸用事
總領計簿地有不書登下之數者按而藉之乃明割利言
辭義激切聞列於二府竟還其令忘已忤權風節獨立秩

蒲判入等三等自周隋已來選部率以書判取士海內之
所稱服者二百年間數人而已又居其最焉復以常資授
萬年尉或鸞之資搏鷲之用得不夭其性而喪其真歟然
亦筆無凝牘庭絕留訟昊天之荐禍于我家也廬于外壤
負墳封樹哀過而陽和變慘感達而猛獸一作來馴常伯
卿尹四方高士麻吊于郊者匪朝夕而間焉莫不竦嘆而
希慕也及禮既外除稱疾而不起朝廷方待以議郎博士
辭而求邑除潞州上黨令恬澹推誠薰然化矣故老歌詠
洋洋至今入拜起居舍人搜遺求實典冊大備撰開元注
記三十卷藏在大史除屯田員外郎未幾轉禮部時天寶
改元符瑞紛委郡國所獻月有千計公卿稱賀日奏數章

總裁實難濬發皆麗玄宗每賞異因命女史傳寫時省覽
焉方將擢居紫垣專統大誥斯文既喪成命中止以天寶
三年十二月二十日薨於西京宣賜里之私第享五十有
六故事中書舍人非龔終之職上以心許久矣特贈此官
朝之殊典也以明年正月權厝于少陵之東至上元廣德
之間以長子官在清近加贈工部侍郎太子賓客夫人傳
陵崔氏徽閑有德明順合禮逮事舅姑嘗佐明祀歸我不
求方春即冥開元十七年終于京師年二十五窆于見子
陵生長子侍郎御史著不幸早世繼夫人弘農縣太君楊
氏大曆九年三月乙卯棄背于所封之邑其年七月己酉
安厝于細柳原自廟見至于終堂三十九載宜家之懿範

教子之明訓睦親之令德並載于已酉之銘生次子弘農
縣令曾叔子大理評事普季子渭南縣尉魯永惟累世來
遷僅二百年封域連岡昭穆相對禮不忘本時又協吉以
大曆十年十月庚午遷柩于弘農太君之塋博陵夫人同
合焉夫敵已則不厭以子則咸貴若冢嗣既殘於中年元
室不歸於先寢豈成兄之志也所以同異均愛前後相從
亦承家之順也孝禮則然詢義惟允君子躋之諸孤不天
幼奪嚴訓志以苦立學以慈成克自脩絜所承罔墜亦既
成人重集大釁思養于下不欲具生血盡而形遺者顧禮
而終事也於戲天德于我叔父以扶濟儒玄之道元精委
其和太古今其淳德之厚也知至至之可與幾知終終之

可與存恬然而虛寂然而通識之達也五禮之宗六樂之
典致廣大而盡精微極高明而道中庸儒之傳也包括群
有陶融象外燭日月之光華連星漢昭回之文之難也若
因親立愛則忠友過乎悌引進極乎慈奉先追孝則怵惕
于時感齊明於夙興靖于位而不以善矜儉于家而不以
菲廢先哲之休風遐烈未嘗不蹈其域而冥其會也若處
之於舜代則有八元以論道升之於孔門則道四科而隣
聖而位止于上士教淪于衰俗豈非蒼生之不幸耶玄風
之始絕耶袞積燬少孤恭承憫覆躬誨無倦常至夜分性
愚難移猶期日就外傳不得專也諸子不得視也獲漸庶
幾實賴慈獎恩未上報禍已先鍾遠慕何申有懷靡及所

踐之職昔所彌綸顧瞻廷除出入哀懼微微小子夙夜上
慙遷神甫臨省護摧絕哀以傳實不敢假詞銘曰
厥初茫茫輔軒致皇至我義信即官于常開國長羅惟右
將軍奄受高陽維光祿勳印印天水謚曰貞道赫赫黃黃
魏之元老乃生司徒啓佑周邦踐華却齊建麾幟戲上賜
田自温而遷迨茲十葉松栢莘莘穆處其後昭列其前哀
詞具石末世不騫

文苑英華卷第九百四十二

文苑英華卷第九百四十三

職官五

李刑部澣墓誌一首

裴少尹濟墓誌一首

裴監察墓誌一首

穆祕監玄堂誌一首

刑部郎中李府君墓誌

穆員

有唐趙郡李府君春秋四十三歷官十有二政以尚書郎
柱下史分王命于江淮上元元年秋八月十三日遘疾終
揚州官舍之次夫人范陽盧氏先府君三年而少六歲至
德二年九月乙亥指於吳興郡長史之館屬以國難家窶
靡遑還塋乃各於次而卜宅焉然其引也蓋殯貞元三年
嗣子騰世先人之文行仕殿中侍御史惟周公合祔之事

得請于龜冬十有一月奉府君夫人之喪至自吳楚粵明
月五日遷窆于某原禮也府君諱澣字堅永京源宗派冠
蓋功代史氏志其大家牒詳其細曾祖行敷皇朝曹州離
狐縣主簿祖懷一左千牛并州晉陽縣尉父雍問虢州湖
城縣令代有令聞而無違德府君生而博厚長而敏達超
特簡厲中和直清著書屬詞居處執事非中道不蹈非聖
言不聞天寶中擢進士調太子校書當時海內無事縉紳
之徒以能賦爲賢及門爲貴其望登朝也如天之不可階
而升而言語侍從主文典憲之列充其選者必第一流府
君以通書舍人轉左補闕監察御史玄宗季年逆帥兆亂
亂成於寵上莫得聞府君奉使朔陲復而露奏其後以直

道不可得而親疎爲誅其不附已者所中配流盧溪郡至
德歲起家宰江陰歷佐晉陵吳興而陽三郡或叅將府張
公簡軍事其佐郡也庶使輒移真守以避府君大率以古
良二千石之理爲之其佐戎也王師賴焉明年克復二京
博求多士徵拜金部員外郎稍遷刑部郎中言達於上而
惠及於下者非一上元中帝念宗室大臣揔東南節制時
危任重咨忠賢以貳之詔加府君御史賜銀印朱紱輟爲
其介府君方勤王侯伯之事啓其所奉道之將行也未如
命何夫人皇朝刑部郎中瀛汝二州刺史弘擘之孫吏部
員外郎汝州刺史僕之子年若干歸于我孝友禮樂得之
性命越自齟齬聞於家人率是道也移於夫族而夫族之

長幼內外受其厚者報亦如之惟府君才中公卿而位止
下大夫爵宜難老而年夭強仕夫人憑善之積作賢之合
天與之偶命與之違命也雙劍相從萬里同穴始者鳳凰
之兆豈吉凶類乎員辱命長僚託誌卒葬而已銘曰
仁壽才貴天之所大如何李公不卿不艾宛宛內子福孤
具美德豐椒蘭年夭桃李似續惟賢永懷奉先成週還葬
於年萬斯

河南少尹裴公墓誌銘

前人

唐貞元八年冬十月二十有八日前河南少尹裴公諱濟
字莊時春秋五十卒于京師靖安里之旅舍明年夏四月
朔塋于絳州聞喜縣之故原從先公居禮也高祖懷節皇

朝洛州刺史生太府少卿昭昭生蔡州刺史剛剛生扶風
郡雍縣令據公則雍縣府君之長子也生而穎秀長而博
辯質如瓊枝文如春林尤長記誦之學酷重許與之契耳
目一歷輒在心口意氣相合坐遺形骸天寶末學優藝全
方登俊造之貢俄屬國難家攻嶮崎險難以喪往事居之
孝稱於所至服闕襄陽節度使來琪表襄州叅軍事屬有
勢勝而理負與人爭官者州府畏之公時攝功曹掾守文
與直不爲之撓琪嘉其所執升之賓介有疑焉一作爲輒以
咨之他日填自相位獲譴已而伏誅凡百門吏逃難解散
公與陳郡殷亮始冒危於保衛終毀家於塋喪君子難之
故司徒李公勉聆公之節碎以爲屬自江西入尹京兆泪

節制廣滑汴三府以公明可折獄利可撥繁權可贍給清
可澄察而武可臨戎官歷金吾椽萬年尉三御史二尚書
郎以至于御史中丞職更推官洎支度觀察二判官以至
於行軍司馬公之奉李公也若體從心李公之任公也若
素受彩李公制用公爲利器李公翱翔公爲羽翼厥後李
公罷鎮遷河南少尹故孜孜勵精貳前後之政與我同志
者必以吳公李膺之名歸之其有所執賴于周人者非一
貞元五年受代來朝上京燕息衡門詠歌卒歲以俟道長
末如命何初公之在滑也方屬兩河之驚不敢以非疾之
憂貽於高堂堅請退閑亦旣終養其在汴也有二千石結
根貴幸怙寵傲慢收小惠於下隳入計於上公數其不供

之咎請以去之言而未行拂衣自免未幾彼果顛覆李公
於是厚禮還公且有中軍中憲之授蓋進退終始不違於
道多此類也母弟澄檢校膳部郎中潤大理司直涇前穎
州刺史少失先府君之教入學入仕爲郎爲邦皆公之訓
誘也夫人隴西縣君李氏故太子賓客翼之子有淑媛之
美成公之家事公姑之孝聞焉奉叔公之友聞焉其輔佐
之力由中及外者出處聞焉今也鬢首泣血自雍及絳一
號千里行者悲之子曰鋌弱而有立毀過成人謂員平生
交親見託爲誌其文曰

猗歟裴公昭朗直清哭來發跡和李騰聲處則全養出能
保貞蒸蒸穆穆爲子爲孫天闕遐志摧頽壯齡哀哉折口婦

爲代之程

監察御史裴府君墓誌銘

前人

嗚呼有唐君子河東府君之墓公諱某字某先伯益之苗裔分秦封晉史諱詳之元魏河北太守萬虎兄弟三人時稱三虎並仕於魏魏都河洛在天地之中故裴氏始有中眷之號公則萬虎八代孫也會祖某冀州都督府長史祖某温州樂城縣令父某蔡州司田叅軍初命領軍衛舍曹叅軍倅商州刺史李佐戎事遷同官縣丞李侯移鎮桂林統師南服表公爲監察御史介澄察之政至今二府思李公之美繫公是賴使罷閑于洛陽不幸遇疾以貞元六年秋八月庚申終于立德里之第享年四十有五明年

葬于首陽山之陽龜筮與人三者習吉有子四人男

綽曰約長

一作次

方胤幼能言女子孟少綽季少約母弟佐

洪州南昌縣尉克本道蕪使從事訃之未及河南夫人穆

氏祕書監新安公之季女惟是一日二日泊踰月之事實

弱妻主之吾聞之生也全其道沒也全其素是之謂君子

公性充天醇氣與道冥行本忠恕文以禮樂可不謂全其

道乎違癘彌年待變彌月疾能銷公之體而不能滅公之

和命能天公之生而不能汨公之正可不謂全其素乎表

之以君子言之者無愧銘曰

壽不與仁相會貴不與才相期福不與善相報命不與事相隨何四者之乖刺而不并集於斯已矣乎非夫人之爲

勸而誰爲

秘書監致仕穆玄堂誌

前人

唐貞元十年十一月二十一日公棄養于東都歸義里私第適寢明年四月嗣子贊洎質員賞奉遷靈座祔魯王父母于偃師首陽山之北原贊等惟刻石識墓非周孔之訓宋齊以來有之所以藏馨香俟陵谷不可闕也太夫人河東郡太夫人命曰禮經三月之事所以必誠必信勿之有悔焉者蓋孝子自盡之謂然則自盡之大莫大於紀述平素貽簡幽明假詞他人不足以狀自盡之義公諱寧字某十一代祖崇元魏宜都王其後孝文自代遷洛陽遂爲洛陽人奕葉王公與魏終五代祖如皇朝殷州安陽令贈刺

太常卿高祖弘遠水部員外郎曾祖固禮祕書郎祖恩太穆州錄事參軍贈光祿少卿考元休相州安陽令贈同州刺史自宜都至殷州以淳粹之氣相遺自殷州至同州以清白之風相授傳洪範九疇究天人之際皇王得之不出戶庭而天下治學者得之爲王者師公則同州君之元子鍾天元和發地禎祥性得於孝友忠烈生齊於聰明正直淵深峻極溥博閎厚用先王之禮樂節而文之是以外富直道中積至行始厲高節終全盛德宣尼稱道之將行命也將廢命也命也者似繫一人之謂小子則曰公之道將行時也將廢時也使我公之得志也天下至公立大道行風教厚人倫正天之未俾當時臻乎此也豈繫公之命

乎蓋天能使公道可奮乎百代而不洽乎當年才可周乎
萬物而不極於菴所天之不全歟時之不合歟天寶中一
命景城郡鹽山尉在官五年凡七宰旁邑三紀郡政二介
使臣祿山作亂以郡有煮海之富屬城之乘一作衆使其黨
曰劉道玄以假守之公乃糾合同志首唱大義梟道玄以
絕祿山而郡佐畏懦多與公駁史思明統衆來寇郡俾公
保東光縣拒之思明駭公之才使騎將持書通好公立斬
其使以徇于邑且封其書于郡郡佐逾恐且虞思明之見
讎也趣公罷攝公嘗佐黜陟使分巡列郡與平原守顏公
真卿陰圖祿山當亂所以禦之之畫至是密遣家僮以書
疏詣顏公書無他辭曰夫子爲衛君乎六字而已顏公

書感泣即日以軍師之禮致公公之許顏公也以長子爲
于母弟曰唯所往苟不絕先人之祀吾無累也既而從顏
公登埤誓衆以必死與之俱生援絕孤城公志愈厲顏公
麾下非公所制者伺公請沐中夜迫顏公跳比及於河
公方自拔他日顏公詣行在所自訟有立者公之力無成
者已之咎肅宗嗟嘆以璽書徵公且謂顏公曰由廷尉評
以諫議大夫待之旣至會顏公以言事忤旨其議遂寢上
元乾元之間累官史府尚書省分王命于河南征鎮之軍
僅十餘帥憑勳怙寵乘國艱危自以不叛爲文靡顧文法
公以至誠格之大順激之清明律之由公徵令者相率如
響元帥李光弼將貳於上屢奸於公公守正不遷積與之

隙日宣不令之言欲公畏之公自泗抵徐馳驛輒至理折其口義勝其心泄其溫於包藏奪其謀於將發代宗聞焉爲一二宰臣話之至於歎息于時周鄭路塞東南貢賦之有入漕漢江轉商山招擇文武全才以守夏口我于是有專城連率之寄金印紫綬之寵詔書下日百城肅然清風先翔甘雨隨灑荆越吳蜀之富朞月傾之俄封長江與淮西對境厥帥董秦多俾腹心爲其津戍拉商旅斷中流畏公明威拱手如桔舟楫上下如行其家萬里來臻若赴于市部有酷吏姻連勲臣敢爲貪狼靡所畏忌公糾發贓罪暴之于朝且以鞭朴懲其悔慢我於是有再黜之咎勲臣職也居五稔有詔徵入率復臺省大曆七年淮南旱和州

以節旅後瘡痍深慎選良牧用膺明命視人如子理事如居一閩人忘其傷又一閩人忘其化無何受代代者冒以天寶季年版籍之額洎即日所授數上聞是時兵興二十年矣異曰版籍百無一存代宗震驚以爲亡失在我故有泉州之貶初公屬以徵發之弊杭於刺舉之司既而代至則不知代者之指斐然歟將有爲歟贊守闕訟寃三歲聞徹降而御史即州訊問則公初年季年戶增數培使者還報會今上龍興拜太子右諭德詔曰令子申父之寃憲臣授舊唐書本傳作奉君之命楚劔不衝於牛斗秦臺自洗於埃塵其明如此宮坊養德優遊卒歲每台輔易位宜以舉直措枉或曰公卿缺員僉議所屬則中外之望必集于公而

前後宰政率以不附離之見憚故久滯於次公嘗自卜進退以深識爲元龜且時不我容我不特狗則非吾之進也在於退乎默默然有浩歸之志凡謝病垂蒲十旬而時議迫隘公望克塞不得已而起者三泚之亂公方杜門請急出無車馬假乘于故人太子少師肅公倫棄家逃汙出城信宿方審乎所在而奔焉轉祕書少監右庶子錄奉天興元之勤也大駕還宮百官復位公曰可以行吾志矣移疾罷免東歸吾土陵疑後五年就加祕書監致仕遂公之志也考繁于瀝洛之上卜勝于北山之陽良辰暇日盡四行之賞以仁自富以道自貴以孝慈爲稼穡以友愛爲墳簞十年春喟然手疏述麟德中高宗天皇大帝詔問張公

九代同居故事撰爲家令賜諸子諸婦人各一通贊等職諸婦拜泣受賜公曰吾之理命也是年秋違裕冬棄背壽七十九公伯姊元夫人與公同稟至性有高世之德公率大夫人所以敬養之道達於神明公之教育成人者高祖曾祖兄弟洎孤甥姪與贊等所以威以勸之慈以撫之壹之乎天性之至外姻僮僕不知所以別焉性嗜讀書無學不綜經窮入室之奧史精歷代之傳非聖人之教道則知而不言每語及三代損益以逮於國朝典故莫匪成誦聞者退徵於卷則文字甲子靡差毫釐或爲卿大夫話其世代蓋剡子范子自言其祖不之逮也仕四朝更三紀歷官二十五政德義政事無非殊効且未嘗有如分之報而三

黜一免由之善與人交始不以諂瀆合終不以生死異嘗
從王事歷佐權臣入於朋家之門雖周鄭交惡田竇奪移
彼不我疑我不彼貳嘗宴居誨群子曰吾聞君子之事親
也養志爲大吾之志也直道而已爾事君事人或枉其道
日以三牲五鼎充吾庖非養也苟繼吾志或承患難則義
重於生宜從其重焉贊等祇荷嚴訓仕於天朝贊以御史
中丞質以右補闕皆以守職不避強禦並罹譴逐員以侍
御史佐東都留守不敢陷所事殺無辜賞以監察御史叫
帝閤解兄難迭逢困厄公申誠曰先王之道泊爾友朋之
議及吾異日之訓爾無虧焉愛子者教之以義方不聞以
諂爾其勉之替等永惟古人有欲養不待之痛公高尚不
事侍養十年而贊等官薄命竒不自極於不才不孝之不
內之擊鮮之獻外貽非疾之憂是以上天明神罰以不得
自死之苦夫不死之道有不敢不能替等伏念爲公之嗣
且太夫人在堂是則不敢負不肖不逮於義劣不能死荒
不及文哀舉大端求闕幽宅

文苑英華卷第九百四十三

苑英華卷第九百四十四

誌十

職官六

李少尹佐墓誌一首 嚴司業墓誌一首

李中丞史魚墓誌一首 劉給事迴墓誌一首

梁補闕肅墓誌一首 柳府君_某墓誌版文一首

魏郎中弘簡墓誌一首

京兆少尹李公墓誌 穆員

有唐故京兆少尹隴西李府君諱佐字公輔年未克其志
位未半其才君知其賢天不躋其用親待其養命不借其
榮貞元六年年六十有一三月丁巳終於長安興仁里閨
四月丁未夫人范陽縣君盧氏奉公之喪達於洛汭月日

壬午弟前監察御史俛承公之喪于告成從先公居且曰
理命初公以疾得謝沉病累載三事群公僉謂公仁可長
人武可訓我正可持刑權可調賦其忠肅明敏尤宜尹京
前後執事當趙張三王吳公李膺之選輒遲遲其授以俟
公之起而公未聞然及時賢聞此凶訃嗟嘆之聲浹于上
下詔贈同州刺史賻以布帛故事公卿薨位有以震悼于
上心者則及追贈其或加等申之以賙公以貳尹去職禮
優飾終有以見才接乎萃恩超于時若假之末年以極其
遇詎可涯也嗚呼惜哉五代祖禮成隋禮部尚書絳郡公
祖元恭皇大理少卿知吏部選事父誦高名下位陳州宛
真縣公十歲而孤居喪有過成人之感太夫人滎陽鄭氏

之然後復於禮弱冠擢明經調婺州武義縣尉以清直
著節聞故相彭城公辟以從事凡三遷至監察御史領江
西之賦又遷中州刺史戎師作亂移公隨州其後僭逆以
公先奉太夫人在外疑焉折簡趙公公以自脫之計未售
辭疾者再元克使其徒來劫公語以疾愈自祗赴者與逆
徒偕先是熟與舅氏克鈞期於境上克鈞日涕泣於襄陽
節度使賈公公感而義之爲出敢死之士克鈞亦毀家行
賂以賈勇奇兵如約公以輕騎脫焉表公爲倅者荆南江
西鄂岳三府上以鄂岳請命先至除檢校戶部郎中兼侍
御史充都團練使鸞駕還京公奉章朝奏是時梁汴圯隔
漕運不至逆將跋扈屯于近郊關輔困於兵蝗帑藏索於

錫與上以貢賦之入必由江漢擇全才領商於之地以闢南門於是有刺史防禦中丞之命公心周廢政手集庶物明如理身勤如理家俾天収其災地盡其利峻嶺重負至如川流詔加朝議大夫賜金印紫綬封太夫人滎陽太君賜一子官其事刻之金石實吏部侍郎李公爲之訟無何授桂管觀察經畧使部內不及朝貢之羈縻州者十八舊例首領責於官署爲刺史一州所貢悉以奉之其或魚肉斯人之甚有來訟者率以遐遠阻險非文法所及置之公於是易之以中土溫良之吏越人之男女不爲所鬻資產不爲所奪悅而載之相與稟令其移風俗如此者非一累以親老陳乞故有亞尹之拜是則假道無如命何初宦丘

之人吏感府君之明惠而矜公之孤貌相與竭於賙予所以送死養生之異兼焉太君曰昔吾夫之所以爲生也今以没而受明則是死吾夫也畢以辭之公由是奉先公之貽訓太君之清德常恐失墜三爲郡一爲帥從公

一作仕者

二十六年退居無其藥之資没代無護終之直室有孀姊妹挈孤甥者數房孀與孤者亡無怙之卹一女孳然俛以其弟二子彥主公之後焉嗚呼爲富不仁爲仁不富信矣積善餘慶何其不信哉不然公之所豐者仁義所不絕者遺愛故事風流於後豈物莫兩大而使然耶俛以員兄弟偏公之遇辱命爲誌悲而不文銘曰

君之生業成官達尊親揚名天錫純孝古之遺清君之没

背高堂去白口恨榮養之不終吐遺言於將絕祔君於先
嗣君於後賢哉悌弟之心有以復君之友

國子司業嚴公墓誌

前人

公諱某字某馮翊臨晉人其先有漢太子太傅彭祖爲左
馮翊子孫家焉十二代祖翰林東漢末復守本郡後四葉
至元魏平南將軍郤陽侯稚玉又四葉至皇朝洮州都督
君協協生魏州司功參軍贈太常少卿方約公之祖也方
約生銀青光祿大夫左庶子贈宋州刺史損之公之禰也
自平南至洮世以侯國相襲事名聲稱之府君廸奕葉之
祥鍾生知之美用爲孝悌用爲忠貞用爲循良用爲道藝
出處終始小大由之天寶中以門子經行擢弘文生調參

江陵府軍事時所奉之主求王璘陰有吳淠東南之亂致
公賓友之禮公迨其將兆而未發也以智勇免之受命南
國泊督王賦者或咨公以畫或倚公以辦三遷至大理司
直賜銀印赤綬慎選京邑從容臺署歷京兆府戶曹掾殿
中侍御史虞部員外郎河洛思其理理行發聞拜河南令
刑部郎中雅素儒學選國子司業建中宰相怙威朋家構
閔公以親累貶潮州司戶時泰道長公議興能推連州刺
史換彬州累加朝議大夫封馮翊縣男旌異政也公母弟
士良並龔黃之寄蓋不勝形影分離之憂及聞士良罷歸
公亦陳乞自免願言相視而終老焉旣至京師復拜國子
司業無何士良出牧公悼別加等忽忽不樂燕居如失貞

元八年某月某日歸全于長安新昌里之私第春秋六十有五初公自郴之歸也有從祖姑世父母身沒嗣絕旅殯越公卿匍匐發護毀家襄事各遷祔于先塋服仁義者歸心焉夫人彭城劉氏右僕射彭城公之女生子男三人先公而沒祔先姑于龍門山之北原事具前誌嗣子纂次子筠季子篆皆感過于縗毀疑於滅冬十一月二十有一日奉公歸夫人之室且從先君銘曰

嚴氏阡北原上先賢後賢如相望我歸曷歸歸此一作室我友俟我以琴瑟杳長夜兮無白日

侍御史攝御史中丞贈尚書戶部侍郎李公墓誌

梁肅

公諱史魚字某趙郡平棘人也隨下邑今大經玄孫皇朝襄州錄事參軍玄暉曾孫漣水丞藻之孫青州司法參軍贈和州刺史萬惣之子其先干木藩魏武安霸趙司隸盛於東京特書別為集作西祖載在紀謀干家有光自下邑至於集無和州四世無違克生俊德公天姿俊集作邁少負英氣清明博厚虛受特達行本於孝友業成於文章開元中以多才應詔解褐授秘書省正字時海內和平士有不由文學而進談者所耻公以盛名冠甲科群輩仰之如鴻鵠軒三字集作在霄際矣秩滿調補河南參軍長安尉監察御史時宰相李林甫當國怙權稍鋤去異已者公外不附離內不懾憚竟為所陰中貶來陽丞累移至朝邑令

下車周月而頌聲作上方銳意武功寵厚邊將拜公殿中
侍御史叅安祿山范陽軍事河北首亂公脅在圍中危冠
正詞誦集作譙讓元惡勢迫難奪望重見容朝廷雅知公忠
遷侍御史充封常清幽州行軍司馬隔于兗盜詔不下達
公與張休獨孤問俗密結壯俠志圖博浪之舉間遣表章
請固河潼之守帝用深嘆吾謀未行會虜將能人姓元浩
擁師河上集作南公詭請勞撫因以大義諭之能亦知復讎
然向順裂賊左臂繫公之力是歲至德一年也相國張平
原鎬以狀聞復授侍御史攝御史中丞充河南節度叅謀
河北招諭使中朝方倚公以重任戎鎮又咨公以成務公
謂委身蹈難非節遺亂歸政非公叨恩受祿非義他俛從

政吾何以安假公事東至江淮以上元二年七月二十六
日遇疾終于揚州官舍春秋五十六槨塋于禪智佛寺之
側貞元元年嗣子竦以谷口扈從之勲朝廷推恩追贈公
尚書戶部侍郎五年歲次丁巳某月日始歸窆於某鄉某
原上拒捐館凡二十有九年不得吉卜且難是以緩夫人
河東郡君裴氏河州刺史某之女吏部尚書寬之姪以禮
佐君子降年不末春秋若干天寶二載終于洛陽至是祔
焉傳稱有明德若不當世其後必有達人惟公含章挺生
好是正直蹈難全德終然允臧蓋道與其仁神輔其志宜
乎其有後也竦以文藝吏事歷中書舍人戶部侍郎天子
以爲才任方鎮加左散騎常侍知鄂州軍州事領都團練

觀察使長才厚位而壽不至士友痛之竦第竚長安尉亦
早卒最少曰埃純懿集作孝而文克奉家業咨于從祖父殿

中侍御史臯魚爰卜兆域以寧神宅臯魚于公集無公字天倫

之間有知己之道泣叙美行俾予誌之其文曰

時之晏卿雲爛鸞鳳于飛上清漢吾道行年路方半時之

昏沴氣繁鯨鯢蕩海橫中原側身西望不敢言忠莫渝兮

計獨存奮辭感激牧東藩雷雨作鮮草木蕃一隨逝水空

遊竟播清徽集作音與茂烈未延輝兮集作耀垂後昆

給事中劉公墓誌

前人

公姓劉氏諱廻彭城人楚元王交之後也當漢興諸侯王

子孫唯楚為盛世為儒宗光耀史牒集作冊以至公大父皇

朝尚書比部郎中贈徐州刺史府君諱藏器徐州生烈

右散騎常侍贈工部尚書居巢文公諱子女初文公儒為

天下表有才子六人曰貺曰鍊繼文公典司國史時議比

子長孟堅曰秩曰迅以述作之盛德行之美追縱孔門曰

彙與公用剛直明毅焯於當時故言卿集作卿族者舉盛業

以明其家公好學善屬文天寶中進士登科解褐拜江都

尉轉左金吾兵曹介江南西道採訪使歷大理評事監察

御史入為殿中侍御史出為永州刺史未行改戶部員外

郎尋佐江淮轉運使授著作郎加檢校戶部郎中國子司

業三領是御史當是時中夏初定而兵未戢故公所受任

以餽運才賦為先而公亦飾躬蒞職所到無不均不安之

患大曆初詔擇二千石遂授公吉州刺史三載績成徵拜
諫議大夫遷給事中移疾請醫于洛陽享年若干以建中
元年七月某日終于某里私第嗣子某泣血孺慕以某月
日奉公之喪權窆于某原惟公貞方端肅居敬行簡和而
不同直而不倨傳聞集作見強志樂善下人在諫司陳古今
以通諷諭言發而王度潛潤事行而天下莫聞及夫給事
黃門釐舉典要壺遂之才未展士安之病已深吾道豈窮
大運斯止嗚呼始公祭酒秩功曹迅並與故相國房公瑄
厚善其終也趙郡李公華志焉洎公在廬陵治行尤異則
故國崔公祐甫頌焉蓋伯仲德美煥乎金石試為斯文銘
曰

惟堯之緒在漢開楚導長源兮比部蘊仁文公允文

集作新

闕儒門兮重世掌史遷固慙羨立斯言兮惟公才明剛中
志行直道發兮累佐使臣一麾牧人遺愛結兮給事于中
遭集作遺命不融神理忽兮丘有夷淵有實舟斯失劍斯沒
石不滅兮

右補闕翰林學士梁君墓誌

崔元翰

唐右補闕翰林學士皇太子諸王侍讀史館脩撰梁君諱
肅字寬中其先安定人繇漢魏已降至于隋氏世有爵位
家貴門盛刑部尚書邯鄲公曰毗君之五代祖以至於唐
散大夫右臺侍御史趙王行臺記室宜春公曰敬實公之
高祖朝散大夫右臺侍御史曰愕君之曾祖祖昱終于莫

州任立令父遠止于司禦率府兵曹參軍事安卑于燕薊
避亂于吳越故其世少衰焉君嘗爲司禦府君靈表以表
其墓自叙其世系甚備公建中初以文詞清麗應制授太
子校書請告還吳相國蘭陵蕭公薦之擢授右拾遺脩史
以太夫人羸老有沉痾之疾辭不應召其後淮南節度使
吏部尚書京兆杜公表爲殿中侍御史內供奉管書記之
任貞元五年以監察御史徵還臺非其所好於是備諫諍
而佐於大君傳經術而授於儲后典文章於近署垂勸戒
於東觀授赤紱銀印之錫聞者榮之九年冬十有一月旬
有六日寢疾于萬年之永樂里享年四十有一詔贈禮部
郎中賻以布帛十年春正月二十八日塋于京師之南小

趙春之原予微之弘之俱未冠嘗學文矣幼子未名小學
振振夫人京兆蕭氏抱之以纓從其轎車哀感行旅嗚呼
君之寓于江南十六而先府君歿事祖母以至孝聞在羈
旅之中當離亂之際貞固而未嘗忘於道庶讓而未嘗虧
於義年十八趙郡李遐叔河南獨孤至之始見其文稱其
美由是大名彰于海內四方之諸侯洎使者之至郡更遣
招辟而賓禮之其升於朝無激訐以直已無透迤以曲從
不爭逐以務進不比周以爲黨退則澹然而居於一室傲
遺乎萬物貫極乎六籍旁羅乎百氏考太史公之實錄又
考老莊道家之言皆覩其奧而觀其妙立德玩詞以爲文
其所論載諷詠發于春秋協于謨訓大雅之疏達而信頌

之寬靜形焉博約而深厚優游而廣大其三占之遺有文集三十卷為學者之師式嘗著釋氏止觀統例幾乎易之繫辭矣前後五歲職必更於清顯擢必首於俊造歿之日位未及於褒贈之典然而天子憮怛悼痛恩有加焉假之以壽則將有器使之寄柄用之重是直屈於短夭而無命非不遇也執友傅陵崔元翰哀之乃為銘于墓門識其丘隴銘曰

懿文德垂典則以藻身又華國命之短哀何極

叔父殿中侍御史府君墓版文 柳完元

柳氏之先自皇帝歷周魯其著者無駭以字為展氏禽

有氏以食采為柳姓厥後昌大世家河東嗚呼公諱某字

兼曾王父朝請大夫徐州長史諱子夏遺貞白之藻表儀

宗門王父朝散集作大夫滄州清池令諱從裕垂博俗之

道啓佐集作後胤皇考湖州德清令諱察躬行孝悌之德

振揚家聲惟公端莊無諂微柔有裕峻而能容介而能群

其在閨門也動合人和皆由順正愷悌雍睦莫有間言故

宗黨歌之其在公門也釋回措枉造次秉直事不失當舉

無批政故官府誦之用冲退徑盡之志以弘正友道信稱

於外焉用柔和博愛之道以視遇孤弱仁著於內焉此公

脩已之大經也自進士登高第調受河南府文學秩蒲渭

北節度使論惟明辟為從事受太常寺協律郎元戎即世

罷職家食無何朔方節度使張獻甫辟署叅謀授大理評

事賜緋魚袋改度支判官轉大理司直遷殿中侍御史加
度支營田副使此公從政之大畧也既佐戎事實司中府
匪頒有制會計明白嗚呼分闕委政繫公而成務朝右虛
位待公而周事宗門期公而光大姻黨仰公而振耀貞元
十二年歲在甲子正月九日壬寅遇暴疾終于私館享年
五十痛矣夫人吳郡陸氏洎仲弟綜季弟續冢姪某等抱
孤即位牽率備禮祗奉裳惟歸于京師以某年月日庚寅
安厝于萬年縣之少陵原禮也公有男一人始六年矣在
髻知孝呱呱涕洟凡我宗戚撫視增慟嗚呼哀哉初公元
兒以純深之行端直之德名聞於天下官至侍御史持斧
登朝憲章肅清常以先公之神未克遷祔不正席不其味

及撰日定期而昊天不弔志奪禮廢公實敬承遺志行有

日矣而閔凶荐及不克終事則我宗族之痛恨其有既乎

惟公盡敬孝養致毀於居憂表正宗姓觀示他族故家集作

宗人咸曰孝如方輿公公諱僧習以孝德聞脩詞以藻德振文而遵

志以爲理化之始莫尊乎堯作堯祠頌以爲述德之道不

忘始祖作始祖碑以爲紀廣大之意叙正直之節不嫌於

親作元兄侍御史府君墓誌其餘諷誄比興皆合於古故

宗人咸曰文如吳興守吳興守諱惲以文章顯當官貞固確乎不拔

持議端方有而不苛故宗人咸曰正如衛太史太史諱莊率性

兼介懷貞抱潔嗣家風之清白紹遺訓於儒素故宗人咸

曰清如魯士師士師諱禽兼備四德具體而微公之謂矣小子

常以無兄弟移其睦於朋友少孤移其孝於叔父天將窮我而奪其志故罔極之痛仍集焉朴魯甚駮不能文字敢用書宗人之辭以致其直故質而俚輟哭紀事哀不能文故叙而終焉

尚書戶部郎中魏府君墓誌

前人

魏氏世墓于某縣原唐興有聞士諱之過者與子及孫咸舉進士嗣爲儒家綿州涪城尉諱全珪魏州臨黃主簿諱欽慈太常主簿諱緄尚書繕部員外郎兼江陵少尹諱萬成凡五代名高而不浮於行才具而不得其錄江陵府君益之以閎達之量經緯之謀故豪士賢大夫痛慕加厚生郎中府君諱弘簡字曰裕之以文行知名旣冠而德禮聞

於鄉黨既仕而法制立於官政溫柔發乎外見而人慕不親直方存乎內久而人莫不敬由進士策賢良連居科首授太子校書歷桂管江西福建宣歙四府爲判官副使累授協律郎大理評事三爲御史賜緋魚袋在州六年而人樂之庶使崔衍曰吾敢專天下之士獨惠茲人乎遂獻天子拜度支員外郎轉戶部郎中邦賦克舉人望愈重年四十七貞元二十年九月三十日不疾而歿震悼之聲遐邇一辭集注凡曰斯人也而不得爲善之利中人其怠乎君嘗三娶而卒無主婦庭無倚廬堂無抱孤有令兄弟以主其喪有孝女以守其祀故哭於客位弔于殯東者咸加哀焉凡爲部從事府喪而當其位者三州缺而居其守者二

皆得其理君之先拜世貧不得葬故以祿仕遊於諸侯薄
衣食損車馬凡十有餘事卒獲于厥心其族屬之無主後
者皆位其墓姊姪之無歸從者咸會于家由是處約以終
其世既歛家宰庀其政視廩唯釜鍾視藏惟束帛無餘積
焉十有一月遣車歸于洛師某日柩于墓監察御史柳宗
元聞其道而翫其文也久居又同閨故哀而銘之其辭曰
郎中之道惟直是保淳泊坦厚溫恭孝友郎中之文惟孝
是宣溥暢周流炳蔚紛綸爲周賢能爲漢賢良始仕雙
校篇籍有光仍授使檄訂謨用揚二居卽位征賦以理休聲
載起顯命伊始生而不壽孰知其止歿而不嗣孰濟其美
看翻其旗爰舉裳帷行道遲遲望墓而歸象物是宜卜筮

孔特里人作銘不愧于辭

文苑英華卷第九百四十四

文苑英華卷第九百四十四

卷九百四十四

文苑英華卷第九百四十五

誌十一

職官七

李翰林白墓誌一首

皇甫少保鏞墓誌一首

張祕監仲方墓誌一首

白居易自撰墓誌一首

贈左拾遺翰林供奉李白墓誌

范傳正

附見李白集

騏驥筋力成意在萬里外厥塊一蹶斃於空谷唯餘駿骨
價重千金大鵬羽翼張勢欲摩穹昊天風不來海波不起

榻翼

集作翅

別島空留大名人亦有之即

集作即

故左拾遺翰

林學士李公之謂矣公名白字太白其先隴西成紀人絕
嗣之家難求譜牒公之孫女搜於箱篋中得公之亡子伯
禽手疏十數行紙壞字缺不能詳備約而計之涼武昭王

九代孫也隋末多難一房被竄于碎葉流離散落隱易名

姓故自國朝已來漏集作於屬籍神龍初潛還廣漢因僑

為郡人父客以通集作其邑遂以客為名高卧雲林不求

祿仕公之生也先府君指天技以復姓先夫人夢長庚而

告祥名之與字咸取所集作象受五行之剛氣叔夜文集

心高挺三蜀之雄才相如思集作逸瓌竒宏廓拔俗無類

少以俠自任而門多長者車常欲一鳴驚人一飛冲天彼

漸陸遷喬皆不能也由是慷慨自負不拘常調器度弘大

聲聞于天天寶初召見於金鑾殿玄宗明皇帝降輦步迎

如見園綺論當世務草和集作番書辯如懸河筆不停綴

玄宗嘉之以寶裝集作方丈賜食於前御手和羹德音相

褒將二字集作褒美褐衣恩遇前無比儔遂直翰士專掌密命

處司言之任多陪侍從之遊他日泛白蓮池公不在宴皇

歡既洽召公作序時公已被酒於翰苑中仍命高大集作

將軍扶以登舟優寵如是布衣之遇前所未聞公自量踈

遠之懷難久於密侍候間上疏請還舊山玄宗甚愛其才

或慮乘醉出入省中不能不言温室樹恐撥後患惜而遂

之公以為千鈞之弩一發不中則當摧撞折牙而求息機

用安能効碌碌者蘇而復上哉脫屣軒冕釋羈韁鏢因肆

情性大放於宇宙間飲酒非嗜其酣樂取其昏以自當作

詩非事於文律取其吟以自適好神仙非慕其輕舉將以

不可求之事求之其意欲耗壯心遺餘年也在長安時祕

書監賀知章號公為謫仙人吟公烏栖曲云此詩可以哭
鬼神矣時人又以公及賀監汝陽王崔宗之裴周南等八
人為酒中八仙朝列賦謫仙歌百餘首俄屬戎馬生郊遠
身海上往來於斗牛之分優游沒身偶乘扁舟一日千里
或遇勝境終年不移則集作時長江遠山一泉一石無往而
不自得也晚歲度牛渚磯至姑熟悅謝家青山有終焉之
志盤桓利居竟卒於此其生也聖朝之高士其死集作往也
當塗之旅人代宗之初搜羅俊逸拜公左拾遺制下於彤
庭禮降於玄壤生不及祿歿而稱官嗚呼命歟傳正共集
共生唐代甲子相懸常於先大夫文集集作字中見與公有
潯陽夜宴詩則知與公有通家之舊早於人間得公之

遺篇逸句吟詠在口無何叨蒙恩獎庶問宣也按圖得

公之墳墓在當塗集作屬字邑因令禁樵採備洒掃訪公之

子孫集作故將申慰薦凡三四年乃獲孫女二人一則集作

陳雲之室一乃劉勸之妻皆編戶毗集作無也此字因召至郡

廋相見與語衣服村落形容朴野而進退閑雅應對詳諦

且祖德如在儒風宛然問其所以則曰父伯禽以貞元八

年不祿而卒有兄一人出遊一十二年不知所在父存無

官父歿為民有兄不相保為天下之窮人無桑以自蠶非

不知機杼無田以自力非不知稼穡况婦人不任布裙糲

食何所仰給儷於農夫救死而已久不敢聞于集作於縣官

懼辱祖考鄉閭逼迫忍耻來告言訖淚下余亦對之泫然

因云先祖志在青山遺言宅兆頃屬多故殯於龍山東麓地近而非本意墳高三尺日已集作益摧圮力所不及知如

之何聞其所言集作聞之憫然將遂其請因當塗令諸葛縱會計

在州得論其事縱亦好事者學為歌詩樂聞其請集作便

道還縣躬相地形卜新宅于青山之陽以元和十二年正

月二十三日遷神於集作于此遂公之志也西去舊墳六十

集作此字里南抵驛路三百步北倚謝公山即青山也天寶十

二載勅改名焉因告二女將改適於士族皆曰夫妻之道

命也亦分也在孤窮既失身於下俚仗威力乃求援於他

門生縱偷安死何面目見大父於地下欲求集作敗其類所

不忍聞余亦嘉之不奪其志復并稅免徭役而已今士大

夫之墓必誌于集作於墓有勲庸道德之家兼豎集作碑

道余才術貧虛不能兩致今作新墓名輒刊二石一寘于

泉荷一表於道路集作通路亦峴首漢川之義也庶芳聲之不

泯集作馬字文集二十卷或得之於時之文士或得之於公之

宗族編緝斷簡以行于集作於代云其銘曰

嵩嶽降神是生輔臣蓬萊謫真斯為逸人晉有七賢唐稱

八仙應彼星象惟公一焉晦以麴蘖暢于集作於文篇萬象

奔走乎筆端萬慮泯滅乎罇前卧必酒甕行惟酒船吟風

詠月席地幕天但貴其適所以適集作但貴乎適其所適不知夫所

以然而然至今尚疑醉在千日寧審乎壽終百年謝家山

兮公之墓異代詩流同此路舊墳卑痺風雨侵新宅爽塏

松栢林故鄉萬里且無嗣二女從民求於此荷歟珠石為
二碑一臨幽壤集作一一臨岐岸深谷高變化時一存一
毀名不虧

銀青光祿大夫太子少保安定皇甫公墓誌

白居易

公姓皇甫諱鏞字餘卿始封祖微子也周克殷封于宋九
世至載公載公之子曰皇父因字命族為皇父氏至于集
于秦徙茂陵改父為甫及漢遷安定朝那其後為朝那人
五代祖珍義資建二州刺史曾祖文房高陵令祖隣幾贈
汝州刺史考愉累贈尚書左僕射太子太保妣洛陽賈氏
贈姑臧郡太夫人公由進士出身補夏陽主簿試左武衛

充宣歙觀察使官拜大理評事詔授監察御史
秘書郎殿中侍御史內供奉始賜朱紱銀印充鳳翔節度
判官營田副使旋又徵還直拜殿中改比部員外郎河南
令都官郎中河南少尹歷太子左右庶子並分司東都俄
又徵拜國子祭酒未幾疾改太子賓客轉秘書監分司
又就拜檢校左散騎常兼太子賓客轉秘書監分司始
加命服正三品又遷太少保分司封安定縣開國男食
邑三百戶始立家廟享世公先娶博陵崔氏後娶范陽
盧氏二夫人皆有淑德公而歿有二子曰敬曰珽一女
適太原王諲以開成元年七月十日寢疾薨於東都宣教
里第享年七十七皇帝臨朝一日是歲十月三日用大葬

之禮歸全于集作河陰縣武原從太保府君先塋以廬

夫人合祔焉公自將仕郎甲階至銀青光祿大夫自武騎

尉累勲至上柱國自布衣而佩服金紫自旅食而廟享祖

考封爵被乎身襲贈及乎先品蔭乎後大其門肥其家

儒者之榮無闕焉言求已稽之力自致耳公為人器宇

甚弘衣冠甚偉寡言正色人而敬之至於宴遊觴詠之

間則其貌温然如春其心油然如雲也初元和中公始因

郎官分司東洛由是得伊嵩趣慳吏隱心故前後歷宮八

九凡二十有五年優游洛中無四集作笑意忘懷集作窮

達與道始終澹然不動其心以士于考終命聞者景集無

之謂為達人當憲宗朝公之兄弟居相位操利權也

離者有之公獨超然雖貴介一勢不能及仲之失

得罪也而緣坐者有之公獨皦然雖骨肉之親不能累識

者心伏號為偉人公好學善屬古九工五言七言詩有集

十八卷又著性箴集作十四集作篇居易辱與公遊迨二

紀矣自左右庶子歷賓客訖于少保傳皆同官東朝公務

東周在寮友間聞知最熟故得以實錄誌之而銘曰

賢哉少保令問令儀金壁其燥鸞鳳其姿德如斯壽如斯

位如斯嗚呼人爵天爵實兼有之廣武之原大河之湄龜

告筮從吉土良時封于茲銘集作于茲嗚呼少保之墓百

代可知

銀青光祿大夫秘書監曲江縣開國伯贈禮部尚



書范陽張公墓誌

前人

公諱仲方字靖之其先范陽人也

集無也字

晉司空茂先之後

永嘉南遷始徙居于韶之曲江縣後嗣因家焉唐朝贈太

常卿諱弘愈公之曾祖也嶺南節度使廣州刺史殿中監

諱九臯公之王父也贈

書右僕射諱抗

集作抗

公之皇考

也贈潁州郡太夫人陳氏公之皇妣也都昌令仲端以下

四人公之兄也監祭御史仲孚以下二人公之弟也博陵

郡夫人崔氏公之天人也右清道率府胃曹景宣進士茂

玄明經智周公之子也監察御史裏行揚瀛校書郎陸賓

虞公之婿也公即僕射府君第五子貞元中進士舉及第

博學選登科初補

集賢殿校書郎丁內憂喪除復補正字

遷授咸陽縣尉鄜坊節度使辟為判官奏授監察御史兼

行俄而徵拜歷殿中轉侍御史倉部員外郎金州刺史度

支郎中駮宰相謚議出為遂州司馬移復州司士

集作馬俄

拜

集作遷刺史遷

集作改

曹州刺史河南少尹鄭州刺史入為

諫議大夫福建觀察使兼御史中丞徵還為太子賓客并

為左散騎常侍京兆尹華州刺史兼御史大夫秘書監勳

賜

集作至

上柱國階兼銀青光祿大夫封至曲江縣開國伯

食邑七百戶開成二年四月某日薨于上郡

集作都

新里昌

第詔贈禮部尚書以某年八月某日歸葬于河南府某縣

某鄉某原祔僕射府君之封域焉公幼好學長善屬文俯

取科第如拾地芥著文集三十卷藏於家纂制詔一百卷

行於代充工五言章句詩家流稱之嘗撰先僕射府君神道碑及丞相文獻始興公廟碑由文得理秉筆者許之文獻始興公九齡即公之伯祖開元中以儒學詩賦獨步一時及輔弼明皇帝號為賢相餘慶濟美宜在於公公濟其業襲其文而不嗣其位惜哉矧公為人溫良冲淡恬然有君子德立朝直清貞諒肅然有正人風在官寬重易簡綽然有長吏體為子弟孝敬為伯父慈和與朋友信寵辱不驚其心喜溫不形於色入仕三集作四十載歷官二十五享年七十二才如是祿如是壽如是宜哉居易與公少同官老同遊交心集作結交慕德久而彌篤故景宣等以論譏先德見託為文式序且銘勒于墓石銘曰

有集作

唐張氏世為儒宗文獻既沒鬱生我公我公瀟瀟

學奧詞雄緣情體物有文獻風慶襲于家道積厥躬駿足

逸翮天驥冥鳴始自筮仕訖

集作迄

于達官六刺藩部再珥

貂蟬大諫選重尹京才難賓于望苑籠在蓬山凡所踐歷皆有可觀終然允臧已矣歸全嗚呼洛郊北阡却阜西原佳城一閉陵谷推遷所不泯者令名藹然

自撰墓誌

前人

先生姓白名居易字樂天其先太原人也秦將武安君起

之後高祖諱志善尚衣奉御曾祖諱溫檢校都官郎中王

父諱鎰侍御史河南府鞏縣令先大夫諱季度

集作庚

朝奉

大夫襄州別駕大理少卿累贈刑部尚書右僕射先大夫

人陳氏贈潁川郡太夫人妻楊氏弘農郡君兄幼文皇淨
梁縣主簿弟行簡皇尚書膳部郎中一女適監察御史談
弘謩三姪長曰味道廬州巢縣丞次曰景回淄州司兵叅
軍次曰晦之舉進士樂天無子以姪孫阿新爲之後樂天
幼好學長工文累登進士拔萃制策三科始自校書郎終
以少傅致仕前後歷官二十任食祿四十年外以儒行脩
其身中以釋教治其心旁以山水風月歌詩琴酒樂其志
前後著文集七十卷合三千七百三十首傳於家又著事
類集要三十部合一千一百三十門時人目爲白氏六帖
行於世凡平生所慕所感所長所得所經所遇集作通所通
事一物已上布在文集中間卷盡可知也故不備書大

曆六年正月二十日生於鄭州新鄭縣東郭宅以會昌六
年月日終於東都履道里私第春秋七十有五以某年月
日塋于華州下邽縣臨津里北原祔侍御史僕射二先塋
也塔手足之夕語其妻與姪曰吾之幸也壽過一作登七十

官至二品有名於世無益於人褒優之禮宜自貶損我歿
當歛以衣一襲送以車一乘無用鹵簿塋無以血食祭無
請太常謚無建神道碑但於墓前立一石刻吾醉吟先生
傳一本可矣語訖命筆自銘其墓云銘曰

樂天樂天生天地中七十有五年其生也浮雲然其死也
委蛻然來何因去何緣吾性不動吾形屢遷已焉已焉吾
安往而不可又何足厭戀乎其間

東坡志林卷第九百四十五

